



NAFARROAKO PARLAMENTUKO

ALDIZKARI OFIZIALA

XI. legegintzaldia

Iruña, 2025eko apirilaren 22a

52. ZK.

A U R K I B I D E A

G SAILA:

Txostenak, deialdiak eta Parlamentuko informazioa:

- 11-25/SDC-00001. 2025eko ekitaldian zehar Garapenerako Hezkuntzako proiektuak eta sentsibilizazio-ekintzak egiteko dirulaguntzen deialdia (2. or.).
- 11-24/PECP-00001. Deialdia, oposizio-lehiaketa bidez betetzeko Nafarroako Parlamentuaren zerbitzuko ikus-entzunezko komunikazioko teknikaria izateko lanpostu bat, euskarako C1 hizkuntza-eskakizunarekin, funtzionario-araubidekoa eta A mailakoa. Deialdia hutsik deklaratzeko (9. or.).
- 11-24/PECP-00002. Deialdia, Nafarroako Parlamentuko zortzi gelazain-lanpostu, funtzionario-araubidekoak eta D mailakoak, horietako bi euskarako B2 hizkuntza-eskakizunarekin, oposizio-lehiaketa bidez betetzeko. Izendapen-proposamena (10. or.).
- 11-25/ACOP-00008. Nafarroako Parlamentuako Mahaiaren Erabakia, ikur frankisten behin-behineko erroldan jasotako ikur, ohore eta aipamenak kentzeari buruzkoa (11. or.).
- 19/2025 Ebazpena, Nafarroako Parlamentuko legelari nagusiarena, apirilaren 15ekoa, zeinaren bidez Beatriz Ilundáin Ilundáin andrea aldi baterako izendatzen baita Kontu-hartzaitza eta Gai Ekonomikoetarako Zerbitzuko Aurrekontuen Kudeaketa eta Kontabilitateko atalburu (12. or.).
- 20/2025 Ebazpena, Nafarroako Parlamentuko legelari nagusiarena, apirilaren 15ekoa, zeinaren bidez Nafarroako Parlamentuko mantentze-lanetako burua izendatzen baita (12. or.).

G saila:
TXOSTENAK, DEIALDIAK ETA PARLAMENTUKO INFORMAZIOA

11-25/SDC-00001. 2025eko ekitaldian zehar Garapenerako Hezkuntzako proiektuak eta sentsibilizazio-ekintzak egiteko dirulaguntzen deialdia

Nafarroako Parlamentuko Mahaiak, 2025eko apirilaren 14an eginiko bilkuran, honako erabaki hau hartu zuen, besteak beste:

2015eko irailean, Nafarroako Parlamentuko Eskubide Sozialetako Batzordeko kideek Pobreziaren eta Desberdinkeriaaren aurkako Nafarroako Ituna (2021-2030) sinatu zuten Gizarte Entitateen Plataformarekin. Itunaren helburua da aurrera egitea Nazio Batuen Biltzar Nagusiak onetsitako Garapen Jasangarrirako 2030 Agendak ezarritako norabidean. Itunean, besteak beste, honakoak jasotzen dira:

“Nafarroako Parlamentuak Garapenerako Hezkuntzaren arloko proiektuen deialdiari utsiko dio, eta Parlamentuaren aurrekontuaren % 0,7a iritsiko da 2024. urterako”.

Nafarroako Parlamentuko Kontu-hartzailletza eta Gai Ekonomikoetarako Zerbitzuak txosten bat aurkeztu du, 2025eko ekitaldian zehar Garapenerako Hezkuntzako proiektuak eta sentsibilizazio-ekintzak egiteko dirulaguntzen deialdiaren eta horren oinarri arautzaileen onespenerako. Nafarroako Parlamentuak bere aurrekontu osoaren % 0,7 bideratzen du jarduketa horretara. Espedientea txosten juridikoarekin eta Kontu-hartzailletzak egin-dako gastu-fiskalizazioarekin osatu da.

Dirulaguntzei buruzko azaroaren 9ko 11/2005 Foru Legea da Nafarroako Aurrekontu Orokorren kargura ematen diren dirulaguntza guztietarako arau-esparru komuna. Lege horretan, printzipio

orokorrez gainera, dirulaguntzak emateko, kudeatzeko eta kontrolatzeko prozedura ezartzen da. Horiek horrela, Garapenerako Hezkuntzako eta Sentsibilizaziorako proiektuak egiteko dirulaguntzen araubidea ezartzen duten oinarriak ezarri eta argitaratu beharra dago, horrela bermatze aldera bete egiten direla, dirulaguntza horietan, Dirulaguntzei buruzko azaroaren 9ko 11/2005 Foru Legeak ezarritako printzipioak.

Horiek horrela, Nafarroako Parlamentuaren Erregelamenduko 42. artikuluan ezarritakoari jarraikiz, Nafarroako Parlamentuko Mahaiak honako hau ERABAKITZEN DU:

1. 2025eko ekitaldian zehar Garapenerako Hezkuntzako proiektuak eta sentsibilizazio-ekintzak egiteko dirulaguntzen deialdia onestea.

2. Guztira 115.000 euroko gastua baimentzea, Nafarroako Parlamentuaren 2025eko ekitaldirako gastu-aurrekontuko “Garapenerako eta elkartasunerako jardueretarako dirulaguntzak” 48207 partidaren kargura.

3. Deialdiaren oinarri arautzaileak onestea, erabaki honen eranskinean jasoak.

4. Agintzea erabaki hau eta bere eranskinak Dirulaguntzen Datu Base Nazionalean, Nafarroako Parlamentuko Aldizkari Ofizialean eta Nafarroako Aldizkari Ofizialean argitara daitezen.

Iruñean, 2025eko apirilaren 14an

Lehendakaria: Unai Hualde Iglesias

ERANSKINA

Oinarri arautzaileak, 2025eko ekitaldian zehar Garapenerako Hezkuntza-proiektuak eta sentsibilizaziorako ekintzak egiteko dirulaguntzen deialdiarenak

Lehena. Xedea eta helburua:

Nafarroako Parlamentuak aurreko ekitaldietako bidetik jarraitzen du eta, ahal duen neurrian, laguntzen du garapen jasangarrirako helburuak lortzen eta mundu zuzenagoa, baketsuagoa, tolerantia-agoa, inklusiboagoa eta jasangarriagoa eraikitzen. Xede horrekin, dirulaguntza-deialdi hau onetsi du, Nafarroan Garapenerako Hezkuntzako eta sentsibilizazioko esku-hartzeak egiteko. Dirulaguntzen helburua izanen da garapen-bidean dauden herrialdeek pairatzen dituzten problemekin zerikusia duten alderdietan eta horien zergatietan sentsibilizatu edo prestakuntza ematea, bai eta mundu globalizatuari buruzko ulermena erraztea ere, jarrera kritikoa eta errealitatearekin konprometitua ernaraziz, txirotasunaren aurkako borrokarekiko konpromisoa eta erantzukidetasuna sortuko dituen. Proiektuak lagungarriak izan beharko dute elkartasuna, justizia soziala, garapen jasangarria eta genero berdintasunaren moduko balioak sustatzeko, Nazio Batuen 2030 Agendarekin bat.

Horretarako 115.000 euro bideratuko dira, Nafarroako Parlamentuaren 2025eko ekitaldirako gastu-aurrekontuan berariaz onetsitako partida honetatik: 48207 “Garapenaren eta elkartasunaren arloko jardueretarako dirulaguntzak”.

Dirulaguntzei buruzko azaroaren 9ko 11/2005 Foru Legearen 17.1. artikularekin bat etorriz, deialdia norgehiagoka-araubidean izapidetuko da.

Bigarrena. Entitate onuradunak:

Honako betekizun hauek betetzen dituzten entitateak izan ahalko dira dirulaguntzaren onuradun:

- Bere izaeraren arabera legez eraturako pertsona juridiko izatea, eta inskribatuta egotea Garapenerako Nazioarteko Lankidetzako Espainiako Agentziarena den Garapenerako Gobernuz Kanpoko Erakundearen Erregistroan (AECID).

- Nafarroan egoitza soziala edo ordezkariatza iraunkorra izatea.

- Dirulaguntzei buruzko azaroaren 9ko 11/2005 Foru Legearen 13. artikuluko 2. eta 3. apartatuetan azaltzen diren egoeretako batean ere ez egotea.

- Sexu edo generoa dela-eta diskriminatzailetzat jotzen diren lan-arloko jokabideak gauzatu edo toleratzeagatik zehatuta edo zigortuta ez ego-

tea administrazio-ebazpen irmoz edo epai judicial irmoz.

Onuradun izan ahalko dira, halaber, elkartuta aurkezten diren entitateak, aurreko paragrafoan adierazitako baldintzak betetzen badituzte eta, betiere, Dirulaguntzei buruzko azaroaren 9ko 11/2005 Foru Legearen 8.3 artikuluan ezarritakoa betetzen badute.

Hirugarrena. Esku-hartzearen betekizunak:

- Helburu gisa edukitzea lehen oinarrian jasotakoa.

- 2025eko ekitaldian exekutatzeko. Hala ere, dirulaguntzaren xede den jarduna ohikotasunez garatzen den urte-aldia ez datorrenean bat aurrekontu-ekitaldiarekin –esaterako, eskola-ikasturtea–, jarduera horretarako dirulaguntzak urte-aldi horretara moldatzen ahalko dira eta, halakoetan, zilegi izanen da jarduera 2026ko ekainaren 30erako amaitzea. (Inguruabar hori dirulaguntza-eskaeran justifikatu beharko da).

- Jarduerak Nafarroako Foru Komunitatearen lurralde-eremuan eginen dira.

- Nafarroako Parlamentuak diruz laguntzeko gehieneko zenbatekoa: 13.000 euro.

Laugarrena. Dirulaguntzen bateragarritasuna:

Deialdi honetan aurreikusitako dirulaguntzak bateragarriak dira jarduera garatzeko lor litezkeen beste batzuekin, berdin delarik haien emaileak beste administrazio publiko batzuk, beste entitate publiko nahiz pribatu batzuk edo partikularrak izatea, nazionalak zein nazioartekoak.

Hala ere, ezein kasutan ez da zilegi izanen emandako dirulaguntzen zenbatekoa hainbestekoa izatea non, bere horretan nahiz beste dirulaguntza, laguntza edo diru-sarreraren batzuei edo dirulaguntzaren xede den jardueraren baliabide berekiei batuta, gainditu eginen bailuke onuradunak egin beharreko jardueraren kostua.

Bosgarrena. Eskaerak aurkeztea:

Eskatzaile den entitate bakoitzak gehienez eskaera bat aurkeztu ahalko du. Eskaeratzat joko dira bai bakarka aurkeztuak bai entitate-elkarte baten parte izanik aurkeztuak. Entitate batek bakarkako eskaera bat eta beste entitate batzuekiko elkartean eginiko beste bat aldi berean aurkezten baditu, bi eskaera horiek deialditik kanporatuak izanen dira.

Eskaera entitate interesdunaren legezko ordezkariak aurkeztuko du, telematikoki, Parlamentuaren egoitza elektronikoan horretarako prestatutako

sarbidean, deialdi hau Nafarroako Aldizkari Ofizialean argitaratu eta 15 egun balioduneko epean gehienez ere.

Seigarrena. Aurkeztu beharreko dokumentazioa:

Dirulaguntza eskatzeko, Egoitza Elektronikoa ezartzen den eskabidea beteko da, deialdian adierazitako ereduaren arabera (I. eranskina), eta bertan entitate eskatzaileak adierazi behar du bigarren oinarrian ezarritako betekizun guztiak betetzen dituela.

Eskatzaile diren entitateek agiri hauek aurkeztu beharko dituzte:

I) Dokumentazio orokorra:

a) Garapenerako Nazioarteko Lankidetzako Espainiako Agentziakoa den Garapenerako Gobernu Kanpoko Erakundearen Erregistroan inskribatuta egotearen ziurtagiria, Nafarroako Foru Komunitatearen lurraldean kokatuta dagoen ordezkariaren edo egoitzaren aipamenarekin. Urtebete baino gutxiagoko aurrendenboraz jaulkitakoa izanen da, aurrendenbora hori deialdi hau argitaratzen denetik zenbatuta.

b) Erantzukizunpeko adierazpena, entitatearen ordezkariak digitalki sinatua, non adierazitako baita ezen eskatzaile den entitateak bete egiten dituela erakunde onuradunaren izaera lortzeari begira Dirulaguntzei buruzko azaroaren 9ko 11/2005 Foru Legearen 13. artikuluan ezarritako betekizunak (II. eranskina).

c) Entitate-elkarteen kasuan, eskaera elkartearen izenean aurkeztuko du haren ordezkari edo ahalduak. Halakoetan, entitate bakoitzaren dokumentazio banakatuaz gain, honako hauek aurkeztuko dira:

c.1) Entitate-elkartearen eratze-agiria. Elkartek nortasun juridiko berekirik ez badu, eratze-agirian espresuki jaso beharko da ahalordedun edo ordezkari bakarraren izena, zeinak izanen baitu elkartek onuradun gisa izanen dituen betebeharrak betetzeko bezainbesteko ahalordea. Halaber jaso beharko da Dirulaguntzei buruzko azaroaren 9ko 11/2005 Foru Legean aurreikusitako preskripzio epea amaitu arte elkartea ez desegiteko konpromisoa.

c.2) Honako hau azaltzen duen agiria: elkarteko entitate bakoitzak proiektuaren exekuzioan zer funtzio eta eginkizun hartuko dituen bere gain, horiek egiteko konpromisoarekin, elkartearen izenean eta haren kontura; eta elkarteko entitate bakoitzari aplikatuko zaion dirulaguntzaren zenbatekoa.

Agiri horiek modu digitalean sinatu beharko ditu entitate bakoitzaren ordezkariak.

d) Transferentzia bidez ordaintzeko eskaera, baldin aldez aurretik aurkeztu ez bada, edo aldatu egin bada Nafarroako Parlamentuak iraganean emandako dirulaguntzak ordaintzeko erabili izan den banku-kontua.

e) Emandako dirulaguntzaren zenbateko osoa aldez aurretik ordaindu beharrekoa den kasuetako entitateei dagokienez, 9.1 oinarrian aipatutako dokumentazioa aurkeztuko da.

Eskaerak ez baditu ezarritako betekizunak betetzen, interesdunari esanen zaio ezen hamar eguneko gehieneko epean akatsa zuzendu edo aginduzkoak diren dokumentuak aurkeztu behar dituela, eta orobat ohartarazitako zaio ezen, hala egiten ez badu, eskaeran atzera egin duela joko dela, aurrez ebazpena emanda, zeina jaulki beharko baita Administrazio Publikoen Administrazio Prozedura Erkideari buruzko urriaren 1eko 39/2015 Legearen 21. artikuluan ezarritako moduan.

Baloraziorako aurkeztu den dokumentazioa inoiz ere ez da zuzendua izanen.

II) Baloraziorako dokumentazioa:

A. Esperientzia:

a. Azken lau urteetan administrazio publikoek finantzatutako Garapenerako Hezkuntzako eta Sentsibilizazioko proiektuena zerrendadun taula (III. eranskina).

b. III. eranskinean adierazitako dirulaguntzak emateko ebazpenaren kopia, edo agiri baliokidea.

B. Estrategia instituzionala:

a. Baloratu beharreko atalak zehazten dituen agiria (IV. eranskina)

b. Baloratu beharreko jarduketak justifikatzen dituen dokumentazio estrategikoaren kopia

C. Esku-hartzeari buruzko oroitidazki teknikoak. Gutxienez ere, V. eranskinean jasotako informazioa izan beharko du eta gehienez ere 30 orrialdekoa izanen da. Hura transkribatzeko Arial 11 letra erabiliko da, 1 lerroartean Berdintasunaren aldeko eta bazterketaren kontrako hizkera erabiliz idatzi beharko da. Pertsoneri buruzko datu guztiak sexuaren arabera bereizita egon beharko dute.

D. Esku-hartzeari buruzko oroitidazki ekonomikoak. Gastu-partiden deskribapena eta justifikazioa. (Kalkulu-liburu bat erantsi behako da, Exzellen, aurrekontuko datuekin).

Zazpigarrena. Dirulaguntza emateko prozedura antolatzeke, instruitzeko eta ebazteko eskumena duten organoak:

Prozedura antolatuko da Nafarroako Parlamentuko Zerbitzu Orokorretako eta Kontu-hartzaitza eta Gai Ekonomikoetarako Zerbitzuko teknikariek osatutako balorazio-batzorde baten eskutik. Organo kideaniztun horrek izanen du eskaerak ebaluatzeke ardura, eta emanen duen irizpena loteslea izanen da.

Nafarroako Parlamentuko Kontu-hartzaitza eta Gai Ekonomikoetarako Zerbitzua izendatzen da instrukzio-organo. Instrukzio-organoak, eskaeren ebaluazioa ikusirik, ebazpen-proposamena eginen du.

Nafarroako Parlamentuko Mahaiak berariaz hartutako erabakiaren bidez ebatziko da dirulaguntzen ematea, instrukzio-organoak proposatutako txostena oinarri hartuta.

Eskaerak aurkezteke epea amaitzen denetik hiru hilabete igarotakoan ebazpen espresurik jakinarazi ez bada, eskaera ezetsi dela ulertu ahalko da.

Zortzigarrena. Entitate onuradunen betebeharrak:

Dirulaguntza jasotzen duten entitateek betebeharrak hauek izanen dituzte:

a) Esku-hartzea beren eskaeran deskribatu duten moduan egitea.

Esku-hartzearen gauzatzea aldrebesten edo zaitzen duten gorabeherak gertatuz gero, zilegi izanen da jarduera horiek egiteke epeak luzatzea. Horretarako, epea luzatzeke eskaera bat aurkeztu beharko dute, azaltzen duena esku-hartzea zergatik ezin den gauzatu hasiera batean aurreikusitako epean, bai eta esku-hartzea amaitzeke epe berria ere. Eskaera telematikoki eginen da, Nafarroako Parlamentuaren egoitza elektronikoan horretarako prestatutako sarbidean -Administrazio-izapideak-Dirulaguntzak eskatzea Edonola ere, jarduerak egiteke gehieneko epea 2026ko ekainaren 30ean amaituko da.

b) Baimena eskatu eta edukitzea, diruz lagundutako jarduketan aldaketak egin ahal izateke, entitate onuradunaren kontroletik at dauden inguruabarrengatik hasierako jarduketa aldatu behar denean helburuetan eta emaitzetan eraginik, edo aldaketak aurrekontuaren aldaketa bat dakarrenean, partida bakoitzaren exekuzioan gastuen igoera bat ekartzen duena, partida bakoitzerako onetsitako aurrekontuaren % 20 baino gehiagokoa.

Zazpigarren oinarrian aipatzen den balorazio batzordeak ebatziko du aldatze-eskaera. Eskaera

egoitza elektronikoaren bidez eginen da, horretarako ezarritako atalean.

c) Betekizunak eta baldintzak betetzen dituztela frogatzea Nafarroako Parlamentuko Kontu-hartzaitza eta Gai Ekonomikoetarako Zerbitzuari.

d) Diruz lagundutako jarduera finantzatzeko beste laguntza, diru-sarrera edo baliabide batzuk jasotzen badituzte, horren berri ematea Nafarroako Parlamentuko Kontu-hartzaitza eta Gai Ekonomikoetarako Zerbitzuari.

e) Dirulaguntza emateke ebazpen-proposamena jaulkitzen den unean beren zerga-betebeharrak eta Gizarte Segurantzarekikoak beterik edukitzea.

Behin deialdia ebatzita, entitate onuradunei eskatuko zaie aurkez ditzatela ebazpenaren egunean indarrean dauden ziurtagiri positiboak, kasuko Ogasunak (Nafarroako Foru Ogasuna eta/edo Estatuko Ogasuna eta/edo Foru Ogasunak) eta Gizarte Segurantzaren Diruzaintza Nagusiak jaulkiak, hurrenez hurren frogatuko dutenak entitate onuradunak beterik dituela bere zerga-betebeharrak eta Gizarte Segurantzarekikoak.

f) Nafarroako Parlamentuarekin elkarlanean proiektuaren berri zabaltzea, Nafarroako iritzi publikoa garapenerako lankidetzari buruz sentikortzeke.

Nafarroako Parlamentuak entitate onuradunei dei eginen ahalko die Nafarroako Parlamentuan eginen den ekitaldi publiko batean parte har dezaten. Bertan, entitate onuradun guztiek diruz lagundutako proiektuen exekuzioa aurkeztuko dute.

g) Dirulaguntzaren jatorria publiko egitea: jardueren berri emateke erabiltzen den material grafiko eta inprimatuan (liburuxkak, iragarkiak, web bannerrak eta abar) Nafarroako Parlamentuaren logotipoa agertuko da, diruz lagundutako entitatearen logotipoari emandako trataera berarekin.

Nafarroako Parlamentuak ez du bere gain hartzen proiektuaren exekuzioa dela-eta argitaratutako materialen edukia.

h) Onartzea egiaztapen- eta kontrol-jarduketak egin ditzan organo dirulaguntza-emalleak.

i) Jasotako funtsak zertarako erabili diren frogatzen duten agiriak gordetzea, egiaztapen- eta kontrol-jarduketetarako beharrezkoak izan daitezkeen bitartean.

j) Dirulaguntzei buruzko azaroaren 9ko 11/2005 Foru Legearen 35. artikuluan aurreikusitako kasuetan, jasotako funtsak itzultzea.

k) Entitate onuradunak eman zaion dirulaguntzari uko egitea erabakiz gero, bi hilabeteko epean

egin beharko du uko, laguntza eman zaiola jakinaz zaien egunetik zenbatuta, Nafarroako Parlamentuaren egoitza elektronikoan aurkeztutako idazki baten bidez.

Itzuli egin beharko du alde aurretik ordaindutako zenbatekoa, Kontu-hartzailera eta Gai Ekonomikoetarako Zerbitzuetatik adieraziko zaien prozeduraren bidez. Zilegi izanen da uko eginiko zenbatekoa esleitzea, behin Nafarroako Parlamentuak jasota, hamaikagarren oinarrian eskatutako gutxieneko puntuazioa lortu arren aurrekontuan diru erabilgarri aski ez egoteagatik laguntzarik eskuratu ez duten proiektuei.

Bederatzigarrena. Dirulaguntzaren aurrerakina, ordainketa eta justifikazioa:

1. 1. Dirulaguntzei buruzko 11/2005 Foru Legearen 33. artikuluan ezarritakoarekin bat etorriz, baliabide nahikorik ez izatea behar bezala frogatzen duten entitateen kasuan, dirulaguntzaren ordainketa bakar eta aurreratua eginen da, diruz lagundutako jarduera behin-behinekoz finantzatzeko. Horretarako, eskaerarekin batera aurkeztu beharreko dokumentazioari erantsita, entitatearen edo elkartearen ordezkariak digitalki sinatutako ziurtagiria aurkeztu beharko da, zeinean adieraziko baitu jarduera egiteko baliabide nahikorik ez dagoela.

2. Gainerako entitateei alde aurretik ordainduko zaie emandako dirulaguntzaren % 60 adinako zenbatekoa. Emandako dirulaguntzaren zenbateko osora iritsi artekoa diruz lagundutako proiektua amaitutakoan ordainduko da, ordainketa bakarrean. Aldez aurretik, entitate onuradunak justifikatu egin beharko du egindako jarduera, hurrengo puntuan ezarritakoaren arabera eta Dirulaguntzei buruzko azaroaren 9ko 11/2005 Foru Legearen 32. artikuluan xedatutakoarekin bat.

Dirulaguntzaren alde aurretiko ordaintzea deialdi hau ebatztearekin batera eginen da, 8.e) oinarrian adierazitako dokumentazioa aurkeztutakoan.

Dirulaguntza egiazki ordaintzeko, beharrezkoa izanen da entitateak aurkeztua izatea transferentzia-abonua eskatzeko agiria, diru-sarrerara egin behar den banku-entitateak datuz behar bezala beteta.

3. Esku-hartzea amaitu eta gehienez ere ondo hilabetean aurkeztuko da haren justifikaziorako dokumentazioa, eta honako agiri hauek bilduko ditu:

- Entitate onuradunaren legezko ordezkariak digitalki sinaturiko erantzukizunpeko adierazpena,

justifikazio-txostena osatzen duten agirietan jasotako datu guztien egiazkotasunari buruzkoa.

- Esku-hartzearen oroitidazki teknikoa, dagozkion egiaztapen-iturriekin, hala behar denean.

- Oroitidazki ekonomikoa, non azalduko baita esku-hartzearen aurrekontuaren betearazpena. Halaber, kalkulu-orri bat aurkeztuko da, exekuzioan eginiko gastu guztiak xehakaturik eta adierazita zer jarduerari dagozkion eta nor den finantza-tzailea.

- Nafarroako Parlamentuaren dirulaguntzaren kargura eginiko gastu eta ordainketa guztien ziurtagiriak. Gastuak frogatzeko, fakturak eta ordainagiriak aurkeztuko dira, edo gainerako frogagiri baliokideak, merkataritzako trafiko juridikoan baliozkoak direnak edo eraginkortasun administratiboa dutenak. Langileen gastuak frogatzeko, hila-beteko laburpenak ere aurkeztuko dira, proiektuari egozten zaien pertsona bakoitzaren ordutegi eta jarduerarekin.

Agiri guztiek eginbide-zigilua izango dute, eta bertan adieraziko da Nafarroako Parlamentuak finantzatu dituela jarduerak. Eginbideak jasoko ditu, gutxienez, "Nafarroako Parlamentuak finantzatua" aipua eta Nafarroako Parlamentuak emandako dirulaguntzaren kargura finantzatutako zenbatekoa edo ehunekoa.

Nafarroako Parlamentuarena ez den finantzaketarekin eginiko gastuen kasuan, entitateak berak jaulkitako ziurtagiri bat aurkeztuko da, funts pribatuen kasuan, edo zenbatekoa eta proiektua zehazten dituen aldeko ebazpenaren kopia, bestelako dirulaguntza publikoen kasuan.

- Berariazko adierazpena: ea proiektuak beste laguntza edo dirulaguntzarik jaso duen, eta, baiezkoan, jasotako zenbatekoen eta horien jatorrien xehetasunak.

Aurkeztutako agirietan oinarrituta, balorazio-batzordeak egin den jardunari eta horren justifikazioari buruzko txosten bat bidaliko dio instrukzio-organoari. Txosten horri jarraikiz, instrukzio-organoak proposamena egiten dio Nafarroako Parlamentuko Mahaiari, exekutaturiko ekintzaren justifikazioa onetsi dezan kasua bada, justifikazioa onetsi eta ordainketa agin dezan, edo bestela itzulketa-espeditante bati ekitea proposa dezan, Dirulaguntzei buruzko Foru Legearen 35. artikulua ezarritakoaren arabera.

Hamargarrena. Dirulaguntzaren diren gastuak:

Dirulaguntza jaso dezaketen gastutzat jotzen dira diruz lagundutako jardueraren izaerari zalan-

tzarik gabe erantzuteaz gain jarduera hura buruzko ezarritako epearen barruan egiten direnak. Gastu dirulagungarrien eskuratze-kostua ez da inoiz izanen merkatuko balioa baino handiagoa.

Deialdi honi dagokionez, ez dira gastu dirulagungarritzat joko inbertsio gastuetara bideratutako diru kopuruak, ez eta zeharkako kostuak edo kudeaketa kostuak ere.

Hamaikagarrena. Balorazio-irizpideak

Eskaerak 0 eta 100 puntu bitarteko eskalan baloratuko dira, irizpide hauei jarraituz:

I. Esperientzia (20 puntu gehienez):

Azken lau urteetan administrazio publikoek finantzatuak izan diren garapenerako hezkuntza eta sensibilizazioko proiektuak exekutatzeko entitate eskatzaileak izandako esperientzia baloratuko da. Proiektuaren kopurua eta diruz lagundutako zenbatekoak hartuko dira kontuan.

– 1-4 proiektu bitarte: 2,5 puntu.

– 5-9 proiektu bitarte: 6 puntu

– 9 proiektu baino gehiago: 8 puntu

Lortutako dirulaguntzen zenbatekoa:

– 0- 10.000 euro bitarte: 2 puntu

– 10.001-80.000 euro bitarte: 6 puntu.

– 80.000 euro: 8 puntu

Balorazioa egiteko, proiektu exekutatuak deklaratu beharko dira III. eranskina daturaz betez (eranskin horretan adierazitako informazioaz bestelakorik ez da kontuan hartuko). Gainera, deklaratuak jarduketek puntuak jaso ditzaten, haien frogagiriak helarazi beharko dira, emate-ebazpenaren kopia edo dokumentu baliokidea atxikiz. (Erantsitako agiri bakoitza izendatuko da III. eranskinen "identifikatzailea" zutabean adierazitakoaren arabera).

Apartatu horretan lorturiko puntuazio osoa 1,25ekin biderkatu ahalko da, baldin eta esku-hartzea Nafarroako Parlamentuak aurreko bi ekitaldietako edozeinetan finantzatua izan bazen eta haren jarraipenari balorazio positiboa ematen bazaio. Horretarako, eskaera-inprimakian labur azaldu beharko dira ordura arte lorturiko emaitzak eta jarraipenerako arrazoiak.

II. Estrategia instituzionala (10 puntu bitarte):

• Arrazismoaren eta xenofobiaren aurkako borrokarako plan bat edukitzea edo horretarako urratsak jasota edukitzea eskatzailea den entitatearen estrategia instituzionalean bertan (5 puntu).

• Ingurumen-plan estrategiko bat edo ingurumen-kudeaketako jokabideen zehaztapen bat edukitzea (5 puntu).

• 50 langile baino gutxiagoko plantilla daukaten entitateentzat bakarrik: genero-berdintasuneko plan bat edukitzea. (5 puntu).

Baloraziorako, datuz bete beharko da IV. eranskina, eta baloragarri diren jarduketarako frogagiriak aurkeztu beharko dira. Behar bezala identifikatuta daudenak bakarrik hartuko dira kontuan.

III. Proiektuaren kalitatea (55 puntu, gehienez):

a) Proiektua gauzatuko den egoeraren eta ingurunearen azterketa (10 puntu gehienez).

b) Kronograma (5 puntu gehienez).

c) Helburuaren, emaitzen eta jardueren koherentzia (10 puntu gehienez).

d) Adierazleak eta egiaztatze-iturriak (10 puntu gehienez).

e) Herritarrek parte hartzea eta boluntarioratza sustatzea (5 puntu gehienez).

f) Genero-ikuspegia jasotzea (10 puntu, gehienez).

Proiektua lagungarria da emakumeen eta haiek munduan duten kokalekuaren ikusgaitasunerako; gaitasunen sendotzea eta emakumeen autonomia sustatzen ditu.

g) Esku-hartzearen garapenean eragin dezaketen kanpoko arriskuen edo faktoreen analisisa (5 puntu, gehienez).

IV. Aurrekontuaren deskribapena (15 puntu, gehienez).

– Aurrekontua deialdian jasotakoari egokitzea (5 puntu, gehienez).

– Gastuaren beharrak justifikatzea: giza baliabideak, baliabide materialak... (10 puntu, gehienez).

Ez dira baietsi 50 puntu baino gutxiago lortzen dituzten eskaerak.

Eskatutako dirulaguntza bera emanen da. Lehenetsun-ordena ezarriko da lortutako puntu kopuruaren arabera, eta dirulaguntzak esleituak dira harik eta aurrekontu-izendapenaren mugara iritsi arte. Prozedura horren arabera dirulaguntza lor dezakeen azken proiekturako eskatutako diru kopurua handiagoa bada haren finantzaketarako eskueran dagoen diru kopurua baino, instrukzio organoak zilegi izanen du, Dirulaguntzei buruzko azaroaren 9ko 11/2005 Foru Legearen 20. bis artikuluan ezartzen denari jarraituz, onuraduna

premiatzea bere eskaera birformula dezan, eman daitekeen dirulaguntzara doitzearren konpromisoak eta baldintzak.

Hamabigarrena. Errekurtsoak:

Deialdi hau oinarri arautzaile hauen bidez eta Dirulaguntzei buruzko azaroaren 9ko 11/2005 Foru Legean ezarritakoaren bidez arautzen da.

Honen aurka, honako errekurtso hauetako bat aurkezten ahalko da:

– Aukerako berraztertze-errekurtsoa, Nafarroako Parlamentuko Mahaiari zuzendua, hilabeteko epean, deialdi hau argitaratu edo jakinarazi eta biharamunetik hasita.

– Administrazioarekiko auzi-errekurtsoa, Nafarroako Auzitegi Nagusiko arlo horretako salan, bi hilabeteko epean, deialdi hau argitaratu edo jakinarazi eta biharamunetik hasita.

11-24/PECP-00001. Deialdia, oposizio-lehiaketa bidez betetzeko Nafarroako Parlamentuaren zerbitzuko ikus-entzunezko komunikazioko teknikaria izateko lanpostu bat, euskarako C1 hizkuntza-eskakizunarekin, funtzionario-araubidekoa eta A mailakoa

Deialdia hutsik deklaratzeari buruz

Nafarroako Parlamentuko Mahaiak, 2025eko apirilaren 14an egindako bilkuran, erabaki hau hartu zuen, besteak beste:

Nafarroako Parlamentuko Mahaiak, 2024ko otsailaren 19an hartutako erabakiaren bidez, Nafarroako Parlamentuaren zerbitzuko ikus-entzunezko komunikazioko teknikaria izateko lanpostu bat oposizio-lehiaketa bidez betetzeko deialdia onetsi zuen (lanpostuak euskarako C1 hizkuntza-eskakizuna du, eta funtzionario-araubidekoa eta A mailakoa da). Deialdia 2024ko martxoaren 18ko 58. NAOn argitaratu zen. Geroago, akats-zuzenketa bat onetsi zen Nafarroako Parlamentuko Mahaiaren 2024ko ekainaren 3ko erabakiaren bidez, V. eranskineko 75. gaian akatsa zegoela hauteman baitzen. Akats-zuzenketa 2024ko ekainaren 13ko 122. NAOn argitaratu zen.

2025eko apirilaren 8an, deialdiko epaimahai kalifikatzaileak bigarren ariketa teorikoaren behin betiko emaitzak argitaratu zituen, eta izangai bakarrak ez zuten proba gainditu.

Hori horrela, deialdiko epaimahai kalifikatzaileak proposatu du hutsik deklaratzeari buruzko Nafarroako Parlamentuaren zerbitzuko ikus-entzunezko

komunikazioko teknikaria izateko lanpostu bat oposizio-lehiaketa bidez betetzeko deialdia (lanpostuak euskarako C1 hizkuntza-eskakizuna du).

Nafarroako Parlamentuko Langileen Estatutuaren 5. artikuluan eta Nafarroako Parlamentuaren Erregelamenduaren 42. artikuluan ezarritakoarekin bat, ERABAKI DA:

1. Hutsik deklaratzeari buruzko Nafarroako Parlamentuaren zerbitzuko ikus-entzunezko komunikazioko teknikaria izateko lanpostu bat oposizio-lehiaketa bidez betetzeko deialdia (lanpostuak euskarako C1 hizkuntza-eskakizuna du, eta funtzionario-araubidekoa eta A mailakoa da); izan ere, inongo izangairik ez du deialdiko bigarren ariketa teorikoa gainditu.

2. Erabaki hau idazkari nagusiari, Prentsa Ataleko buruari eta Zerbitzu Orokorretako buruari jakinaraztea, eta Nafarroako Parlamentuko Aldizkari Ofizialean eta Nafarroako Aldizkari Ofizialean argitaratu dadin agintzea.

Iruñean, 2025eko apirilaren 14an

Lehendakaria: Unai Hualde Iglesias

11-24/PECP-00002. Deialdia, Nafarroako Parlamentuko zortzi gelazain-lanpostu, funtzionario-araubidekoak eta D mailakoak, horietako bi euskarako B2 hizkuntza-eskakizunarekin, oposizio-lehiaketa bidez betetzeko

Izendapen-proposamena

Nafarroako Parlamentuko Mahaiak, 2025eko apirilaren 14an egindako bilkuran, erabaki hau hartu zuen, besteak beste:

2025eko apirilaren 7an, deialdi honetako epaimahai kalifikatzaileak gainditu duten pertsonen zerrenda argitaratu zuen. Deialdiaren 8.1 oinarrian ezarritakoaren arabera, zerrenda orokorrean eta euskarazko zerrendan dagoen izangaiari eskatu zitzaion epaimahaiari jakinaraz diezaion zein lehenesten duen, hizkuntza-eskakizuneko ala hizkuntza-eskakizunik gabeko lanposturako izendatzea proposatzeko; izan ere, deitutako lanpostu-kopuruan, bietan sartzen da. Pertsona horrek jakinarazi zuen euskarazko hizkuntza-eskakizunik gabeko lanpostu bat aukeratzen duela.

Aldi berean, deialdiaren 1.2 oinarrian ezarritakoaren arabera, desgaitasuna duten pertsonentzako txanda gainditu duten izangaietako bat txanda horretako izangaiekin lehian txanda irekiko lanpostu huts bat betetzeko egoeran egongo litzateke, lortutako azken puntuazioaren arabera.

Azaldutakoa kontuan hartuta, Nafarroako Parlamentuaren zerbitzuko zortzi gelazain-lanpostu, funtzionario-araubidekoak eta D mailakoak, oposizio-lehiaketa bidez betetzeko deialdiaren epaimahai kalifikatzaileak honako hautagai hauen aldeko izendapen-proposamena aurkeztu du –lanpostu horietako bik euskarako B2 hizkuntza-eskakizuna dute–. Deialdia Parlamentuko Mahaiaren 2024ko martxoaren 25eko erabakiaren bidez onetsi zen, eta 2024ko apirilaren 23ko 83. NAO n argitaratu zen.

Txanda irekia:

Luis Javier Fortún Pérez de Ciriza jauna

Belén Ramírez Pérez andrea

Jesús María San Juan Laita jauna

Isaac Rodríguez Cantero jauna

Andrés María Santamaría Gastón jauna

Txanda irekia (euskarako B2 hizkuntza-eskakizuna duten lanpostuak):

Pedro Martínez Morentín jauna

Edur Pérez Alonso jauna

Desgaitasuna duten pertsonentzako txanda:

Ana Cristina San José González andrea

Nafarroako Parlamentuko Langileen Estatutuaren 5. artikuluan eta Nafarroako Parlamentuaren Erregelamenduaren 42. artikuluan ezarritakoaren arabera, honako hau ERABAKI DA:

1. Onestea Nafarroako Parlamentuaren zerbitzuko zortzi gelazain-lanpostu (funtzionario-araubidekoak eta D mailakoak, horietako bi euskarako B2 hizkuntza-eskakizunarekin) oposizio-lehiaketa bidez betetzeko deialdiko epaimahai kalifikatzaileak honako izangai hauen alde egindako izendapen-proposamena:

Txanda irekia:

Luis Javier Fortún Pérez de Ciriza jauna

Belén Ramírez Pérez andrea

Jesús María San Juan Laita jauna

Isaac Rodríguez Cantero jauna

Andrés María Santamaría Gastón jauna

Txanda irekia (euskarako B2 hizkuntza-eskakizuneko lanpostuak):

Pedro Martínez Morentín jauna

Edur Pérez Alonso jauna

Desgaitasuna duten pertsonentzako txanda:

Ana Cristina San José González andrea

2. Aurreko puntuan adierazitako izangaiei eskatzea Legebiltzarreko Erregistro Orokorrean aurkez dezaten deialdiko 7.2.4 eta 8.3 oinarrietan adierazten den dokumentazioa, erabaki hau Nafarroako Aldizkari Ofizialean argitaratu eta biharamunetik zenbatzen hasita 30 egun naturaleko epean.

3. Erabaki hau interesdunei jakinaraztea, eta Nafarroako Parlamentuko Aldizkari Ofizialean eta Nafarroako Parlamentuko Aldizkari Ofizialean argitara dadin agintzea.

Iruñean, 2025eko apirilaren 14an

Lehendakaria: Unai Hualde Iglesias

11-25/ACOP-00008. Nafarroako Parlamentuako Mahaiaren Erabakia, ikur frankisten behin-behineko erroldan jasotako ikur, ohore eta aipamenak kentzeari buruzkoa

Nafarroako Parlamentuko Mahaiak, 2025eko apirilaren 14an egindako bilkuran, erabaki hau hartu zuen, besteak beste:

Lehena:

1. Nafarroako Parlamentuko Mahaiak bere babesa adierazten die Memoria eta Bizikidetzako, Kanpo Ekintzako eta Euskarako Departamentuaren eskariz ikur frankisten behin-behineko erroldan jasotako ikur, ohore eta aipamenak kentzen ari diren udalei. Izan ere, sinboloak erretiratzen direnean edo kale-izenak aldatzen direnean edo giza eskubideen urraketan, 1936ko kolpe militarrean, haren ondotik gertatutako indarkerian edo geroko diktadura-erregimenean bere burua nabarmenduz parte hartu zuten pertsonen iraganen emandako sariak kentzen direnean, bizikidetzaz

hobeago bat eraiki nahian egiten dela, hain zuzen ere presentzia eta errekonozimendu publiko horiekin biktimak ez iraintzeko.

2. Nafarroako Parlamentuko Mahiak berresten du memoria demokratikoko politikekin eta bereziki bakearen, bizikidetzaren, askatasunaren eta demokraziaren baloreen aurkako eraso bat diren sinboloak gure espazio publikotik kentzearekin duen konpromisoa.

Bigarrena:

Nafarroako Parlamentuko Aldizkari Ofizialean argitara dadin agintzea.

Iruñean, 2025eko apirilaren 14an

Lehendakaria: Unai Hualde Iglesias

19/2025 Ebazpena, Nafarroako Parlamentuko legelari nagusiarena, apirilaren 15ekoa, zeinaren bidez Beatriz Ilundáin Ilundáin andrea aldi baterako izendatzen baita Kontu-hartzailtza eta Gai Ekonomikoetarako Zerbitzuko Aurrekontuen Kudeaketa eta Kontabilitateko atalburu

Nafarroako Parlamentuko Mahaiaren 2025eko apirilaren 2ko erabakiaren bidez, Nafarroako Parlamentuko Administrazioaren Antolamenduari buruzko Erregelamendua aldatzea onetsi zen (45. NPAO, 2025-04-08koa); halatan, bere artikuluko bakarreko 6. puntuan 27 bis artikuluko berria gehitzen da, Aurrekontuen Kudeaketa eta Kontabilitateko Atala sortzeko. Kontu-hartzailtza eta Gai Ekonomikoetarako zerbitzuburuaren mende beteko ditu bere eginkizunak, bere kidegoaren eginkizunekin batera.

Burutza hori Erregelamenduaren laugarren xedapen gehigarrian xedatutakoaren arabera beteko da, Nafarroako Parlamentuko Teknikarien Kidegoko funtzionarioen arteko merezimendu-lehiaketarako deialdiaren bidez. Halaber, Nafarroako Parlamentuko funtzionarioek atalburutzak aldi baterako bete ahal izanen dituzte, Legelari Nagusiak izendatuta, zeinak kargutik libreki kendu ahal izanen baititu, modu horretan berean.

Aurrekontuen Kudeaketa eta Kontabilitateko atalburutza merezimendu-lehiaketarako deialdi baten bidez betetzen ez den bitartean, beharrezkoa da eginkizun horietan aldi baterako arituko den teknikaria izendatzea.

Horregatik, eta Parlamentuko Administrazioaren Antolamenduari buruzko Erregelamenduaren laugarren xedapen gehigarriaren 2. apartatuan ezarritakoari jarraikiz,

EBATZI DUT:

1. Beatriz Ilundáin Ilundáin andrea, Teknikarien Kidegoko funtzionarioa, Aurrekontuen Kudeaketa eta Kontabilitateko Ataleko buru behin-behinekoz izendatzea.

2. Ebazpen hau Nafarroako Parlamentuko Aldizkari Ofizialean argitara dadin agintzea.

Iruñean, 2025eko apirilaren 15ean

Legelari nagusia: Silvia Doménech Alegre

20/2025 Ebazpena, Nafarroako Parlamentuko legelari nagusiarena, apirilaren 15ekoa, zeinaren bidez Nafarroako Parlamentuko mantentze-lanetako burua izendatzen baita

Nafarroako Parlamentuko Administrazioaren Antolamenduari buruzko Erregelamenduaren 20 bis artikuluan ezarritakoaren arabera, legelari nagusiak izendatzen du mantentze-lanetako burua, Teknikari-ofizialen Kidegoko funtzionarioen artean. Zerbitzu Orokorretako buruak egin duen txostena ikusita, mantentze-lanetako buruaren lanpostua bete beharra dagoenez, honako hau EBATZI DUT:

1. Florencio Enecoiz Segura jauna, Nafarroako Parlamentuko Teknikari-ofizialen Kidegoko funtzionarioa, Nafarroako Parlamentuko mantentze-lanetako buru izendatzea.

2. Ebazpen hau Nafarroako Parlamentuko Aldizkari Ofizialean argitara dadin agintzea.

Iruñean, 2025eko apirilaren 15ean

Legelari nagusia: Silvia Doménech Alegre